

OLV# 952 – Begroting 2021

Rapport CAft “Analyse overwerkkosten Aruba” – oktober 2019

Desde cu CAft a bira un realidad na 2015 nan a haci un investigacion ariba e gastonan di personal na Aruba. E gastonan di personal ta consisti di: 1. Personeelskosten y 2. Werkgeversbijdragen. E personeelskosten ta consisti di: salarissen y toelagen, overwerkvergoedingen, kindertoelagen, overige vergoedingen etc.

MinAZ/ROIM

CAft a haci un analysis di e ziekteverzuim pa aña 2018 y den sector publico e porcentahe ta 8% compara cu sector priva y e gastonan aki ta representa un suma di 30 miyon florin pa aña.

CAft a duna 5 recomendacion:

- 1. Het ontbreekt aan een sanctiebeleid/instumentarium op frequent-verzuimers aan te pakken**
DRH a bisa cu tin un circulaire unda ta indica con e dienst mester actua pa esnan cu frecuentemente ta meld ziek, pero cu esaki no tur dienst tin’e y/of ta aplik’e. Minister por informa Parlamento si mientrastanto e circulaire aki a wordo parti pa tur departamento en general y en especial bao di KIA, Brandweer, KPA y Douane?
Tambe SVB a surgeri medidanan disciplinario cu por aplica Capitulo 8 di LMA. Ministro por informa Parlamento si esaki a wordo implementa mientrastanto y si no, dicon?
- 2. De kueringen door de SVB zijn onvoldoende kritisch.**
SVB a bisa cu esaki ta debi na dos factor; cu e keuringsartsnan ta wordo menasa door di empleadonan publico si nan no alarga nan tempo di AO y cu e doño di trabaonan no ta aplica ningun clase di medida disciplinario ariba esnan cu frecuentemente ta meld ziek. E dienstnan kier pa SVB soluciona e problema di nan trahadornan pero e trahadornan ta pertenece na e dienst y ta nan ta responsabel pa nan.
- 3. De weekendkeuringen van de SVB ontbreken waardoor er een incentive is om vaker in het weekend ziek te melden.**
SVB a indica cu conhuntamente cu DRH nan a pensa ariba un pilot program pa pone trahadornan di SVB haci control na cas di e trahadornan cu frecuentemente ta meld ziek durante di weekend pero cu e pilot aki finalmente no a wordo implementa. Ministro por splica Parlamento pakiko e pilot aki no a wordo implementa y si den futuro toch lo implementa esaki? SVB a indica tambe cu por laga keur e empleado ariba e prome dia cu a meld ziek y no ariba e di dos dia. Ministro por splica Parlamento si esaki a wordo implementa y si no, pakiko?
- 4. De adviezen van de SVB zijn soms ondoorgroendelijk, wat betekent bijvoorbeeld 75% inzetbaar?**
Diensten nan ta keha cu nan no ta compronde e conseho di SVB pa cu e porcentahe di trabao cu e empleado por ehecuta. Esaki ta debi cu no tin un bon comunicacion entre e diensthoofd y SVB. Ministro por informa Parlamento si mientrastanto e consehonan di SVB ta bin cu un toelichting y si e comunicacion entre SVB y e diensthoofd a improvisa ariba e tema aki? Y si no, dicon?
- 5. Het terugdringen van langdurig verzuim.**

Un departamento a informa CAft cu nan kier implementa e Ley di Vakantie y Vrijstelling van Dienstambtenaren (Lv VVDB) aki mas streng. E ley aki ta prescribi cu si un empleado tin 2 aña AO cu por retene 10% di nan salario y despues di 3 aña 20%. Actualmente e pago di salario normal ta keda core pa 4 aña apesar cu e empleado publico ta malo. Despues di e periodo aki e empleado mester pidi APFA pa bin na remarca pa e invalide pensioen. Ministro por informa Parlamento si ta pensa pa haci e Ley aki mas estricto pa asina por reduci empleadonan cu ta AO pa temporadanan largo?

Na final di e analysis aki di CAft, nan ta duna 8 surgerencia:

- 1. Hanteer een bovengrens per medewerker voor overwerkuren om excessen te voorkomen en zorg voor een gelijkmatige spreiding van overwerk over de medewerkers van een dienst.**
 - 2. De maandelijkse monitoring en verantwoording van de overwerkuren dient onderdeel te worden van de reguliere planning en control-cyclus (P&C-cyclus) van de uitvoerende diensten.**
 - 3. Draag zorg voor een objectieve personeelsinzet bij incidenten en efficiëntere dienstroosters.**
 - 4. Stel een verzuimreglement vast, implementeer dit overheidsbreed en sactioneer als het reglement niet wordt nageleefd.**
 - 5. Dring het verzuim terug middels strengere medische keuringen door de SVB en betere handhaving door de diensthoofden.**
 - 6. Dring het verzuim terug door het toepassen van maatwerkoplossingen die door de DRH, SVB en de dienst zijn overeengekomen.**
 - 7. Het verplaatsen van medewerkers tussen overheidsdiensten door bestuurders helpt niet bij het terugdringen van overwerk.**
 - 8. Investeer in het opzetten van actuele formatieplannen en kerntakenanalyse.**
6. Minister por informa Parlamento si gobierno (tur Ministro y en particular MinJVI y MinFECZ) a sigui e recomendacionnan aki y por informa Parlamento y prueba Parlamento tambe cual di e 8 surgerencianan aki y na cual departamentonan esakinan a wordo implementa pa asina minimalisa e gastonan di overtime?

7. Prome Ministro por a informa Parlamento con ta para cu e desaroyo di COHO encuanto Aruba su asimilacion den nos leyman pa Supervision Financiero?
8. Prome Ministro por a informa Parlamento ki tempo lo hancra den ley constitucional Arubano un minimo balanced budget y un maximo 50% Debe/PIB na 2039 y cinco aña sigui di un reduccion den debe nacional prome cu e acuerdo cu Hulanda finalisa?
9. Mirando cu prestamo di Hulanda lo caduca hunto cu e acuerdo na 2029 si Aruba cumpli cu Artículo 15 RAft, Prome Ministro por a informa Parlamento con gobierno ta premira atende cu e terminacion di prestamo na tarifa faborabel mientras ta baha e debe na 50% di PIB?
10. Prome Ministro por a informa Parlamento ki progreso a wordo haci ariba obhetivo di Tema B di *Landspakket* tocante hisa eficiencia di sector publico y reduci masa salarial publico te cu 10 por ciento di GDP? Prome Ministro ta inclui e salario di esnan emplea den un stichting subsidia pa gobierno como parti di Sector Publico?

11. Prome Ministro por a comparti e recomendacionan di e Comision di Good Governance cu Parlamento y elabora ariba ki efecto nan lo por tin ariba presupuesto?
12. Prome Ministro por a informa Parlamento pakiko e carta di AHATA/ATIA fecha 24/3/2020 cu copia pa Parlamento describiendo e plan di gobierno como inaceptabel y un peligro pa recuperacion nunca a yega Parlamento?
13. Prome Ministro por a informa Parlamento kiko ta gobierno su plan cu Punto 4 di dicho carta cu ta surgeri eliminacion di entre otro Voorjaarspremie, Najaarspremie, Overbruggingstoelage, AZV+, Ter beschikking toelage, no work/no pay rules etc?
14. Prome Ministro por a especifica cuanto placa tin ariba e cuenta cu Landsbesluit di 07 januari 2019 No. 25 a crea? Parlamento por a haña documentacion ariba cuanto fondo di "Operation Bullseye" a wordo gasta y na kiko? Cuanto persona cu tabata den exterior a wordo repatria?
15. Tema B.2 di *Landspakket* cu ta rekiri un screening integral di e empresanan publico, semi-publico y entidadnan gubernamental pa determina entre otro nan eficacia, Prome Ministro por elabora ariba e estado di e screening nan aki y ki plan tin pa haci nan mas eficiente?
16. Tema B.4 di *Landspakket* ta rekeri un screening incluyendo entre otro eficacia di personal ministerial, Prome Ministro por elabora ariba kiko ta sosodiendo pa determina esaki y si tin plan caba pa mehora calidad y efectividad di organizacion di sector publico?
17. Tema B.6 di *Landspakket* ta rekeri adaptacion di H9 di LMA (Landsverordening Materieel Ambtenarenrecht) y demas articulo tocante doorstroom y uitstroom, Prome Ministro por elabora ariba ki adaptacion ta necesario y con leu e procesonan aki ta y si lo keda cla pa 15 di december manera palabra?
18. Tema B.7 di *Landspakket* ta rekeri un inventarisacion ariba e magnitud di huur externo pa 25 di augustus 2021, Prome Ministro por elabora si esaki a sosode caba, kiko e resultadonan ta y ki plan gobierno tin pa rehabilita tur e edificacionan para bashi di gobierno? Tambe ki plan ta percura cu mantencion di patrimonio nacional ta adecuado manera p.e. centralisa mantencion bao un ministerio?
19. Tema B.9 di *Landspakket* ta rekeri entre otro limita e influencia politico den asunto di personal, Prome Ministro por a elabora tocante proposicionnan pa logra esaki?
20. Tema B.11 di *Landspakket* ta rekeri un estudio di e posibilidadnan di un ambiente di gobierno digital y servicio digital, ta premira cu esaki lo inclui mas transparencia a base di open government caminda pueblo por facilmente studia begroting pa Ministerio y mira con nan placa ta wordo gasta of malgasta?
21. Miranda e posibel implicacionnan pa presupuesto, Prome Ministro por a informa Parlamento tocante e status di negociacion cu Quantum pa refineria y Eagle LNG pa gas pa WEB?
22. Prome Ministro por a informa Parlamento si nan tin e sosten financiero pa ehecuta e proyectonan?
23. Prome Ministro por elabora si e negociacionnan tabata tin un impacto ariba e relacion entre Utilities y Directiva di WEB?
24. Prome Ministro por a informa Parlamento con e relacion ta entre su persona y directiva di WEB?

25. Prome Ministro por a informa Parlamento si tabata tin cualkier infiltracion politico den WEB door di Utilities?
26. Mirando cu pronto lo trata e posibel retiro di e Director di WEB, Prome Ministro por a elabora ariba e hustificacion y posibel efecto ariba presupuesto?
27. Prome Ministro por a informa Parlamento ki suma di presupuesto lo wordo gasta ariba bienestar di nos animalnan?
28. Prome Ministro por informa Parlamento si gobierno ta reconoce cu tin un problema grandi di bienestar di animalnan y si tin placa aloca pa introduci solucionnan pa termino largo?
29. Prome Ministro por informa Parlamento ki garantia e por duna cu e plan di e gobierno anterior pa bienestar di animalnan lo wordo implementa manera prescribi lugar di laga tur cos den man di stichtingnan independiente cu no ta den interes di nos animalnan?
30. Prome Ministro por informa Parlamento si e ta reconoce cu mester di placa pa ehecuta e siguiente fase di e plan pa bienestar di animalnan? Y di cua Ministerionan e fondo nan lo bin mirando cu ta un problema cu ta afecta henter nos isla?
31. Prome Ministro por informa Parlamento kiko lo sosode pa cambia e imagen di Aruba den wowo di otro organisacionnan grandi di bienestar di animalnan y nos turistanan y tin fondo presupuesta pa esaki?
32. Segun plan pa reduci gastonan di personal di 2018 exponencialmente e crecimiento den e besparing den gasto di personal ta un resultado di e eliminacion di e systema di automatismo den e systema di periodicamente ahusta un ambtenaar su salario abase diancieniteit y tambe bevordering, Prome Ministro por a informa Parlamento kiko realmente ta bespaar si un gran parti di e grupo aki ta ambtenaar cu ta langdurig AO y cu daardoor no ta bin na remarke pa e bevordering den promer lugar?
33. Prome Ministro por a informa Parlamento cua componente nan a wordo laga afor di e besparing? Porehempel arbeidscontracten? Dicon e suma aki ta forma un parti asina insignificativo di e voornemens basa ariba e besparingsmechanisme? (arbeitscontracten meestal ta esnan cu ta wordo apunta politicamente pa un periodo mara na e periodo di gobernacion door di minister nan, no solamente den ministerio nan pero across the board den diferente departamento di gobierno).
34. Kier baha gasto (tendencia na 2018-2019) tabata abase di un personeelstop. Esaki realmente ta un maatregel cu ta sirbi simplemente pa regula e cantidad adicional di personal. Prome Ministro por a informa Parlamento di ki forma e ta realmente contribui na bahamento di gasto den futuro? Tabel ta muestra cu na 2020 y 2021 esaki no tabata tin ningun efecto whatsoever, como cu e no a ni forma parti di e mecanismo nan.
35. Prome Ministro por a informa Parlamento cua ta e overige motibonan pa uitstroom di personal?
36. Prome Ministro por a informa Parlamento cua ta e gastonan cu Land ta pagan a juridische adviseurs pa cu casonan cu ambtenaar nan ta entama den corte contra gobierno? (*product geschillenregeling*)
37. Prome Ministro por a informa cual tabata e gastonan di personal (contractanten na aña 2017 y tambe acualmente 2021 ya cu historicamente ta conoci cu gastonan di personal ta crece exponencialmente door di promesa politico durante period di eleccion?

38. Mirando cu toelage di 25% ta wordo uitgekeerd na esnan cu ta in dienst di un ministerio kisas politicamente benoemd pa un period di 4 aña, Prome Ministro por a informa Parlamento kiko ta e gastonan di TOELAGE durante e ultimo periodo di gobernacion 2017-2021?

MinFEZC

Doune

39. CAft tin cifranan di 2015 te cu 2018, Ministro por sumintra Parlamento cu e cifranan adicional di 2019 y 2020 pa loke ta overtime di Dounae?
40. Minister por informa Parlamento cuanto e personal di Douane tabata ta na 2019, 2020 y 2021?
41. Ministro por informa Parlamento cuanto e “ziekteverzuim” na Douane tabata na 2019, 2020 y si tin cifranan te cu juni 2021?
42. E cifra promedio di cada Douanero cu meld ziek ta 33 dia pa aña y e promedio di dianan cu nan ta keda mal ta 4,4 dia na 2018 y e porcentahe ta 8,8% cu ta demostra un indice halto di kortdurend verzuim. Ministro por informa Parlamento kiko e cifra aki tabata na 2019 y 2020?
43. Ministro por a informa Parlamento si desde publicacion di e rapport aki, leiding di Douane a haci sondeo di e motibonan pakiko e Douanero ta meld ziek y si esaki ta a causa di overbelasting di overwork of al contrario cu esaki ta debi na onderbezetting y pesey mester traha overtime?
44. Gerencia di Douane ta bisa cu e ta consciente di e problematica di overtime na nan departamento y cu esaki ta debi gran parti pa motibo cu nan tin onderbezetting. Ministro por informa Parlamento cuanto personal Douane mester tin pa tin un personal completo? Ministro por informa Parlamento kiko e functionnan specifico cu Douane mester y ki schalering esaki ta representa?
45. CAft ta remarca cu pa evita overwerk ainda Douane no a traha ariba un beleid pa frena esaki na 2019. Ministro por informa Parlamento kiko e funcionnan specifico cu Douane mester y kiko ta e motibo cu esaki ainda no a wordo implementa?
46. Douane a remarca den e rapport aki cu nan a caba di negocia cu sindicatonan y cu e functiehuis lo bay wordo implementa dentro di poco retroactivo desde 1 januari 2018. Ministro por informa Parlamento kiko e stand van zaken di e asunto aki ta y si esaki a wordo implementa si of no? Y si esaki a wordo implementa, kiko ta e motibo(nan) pa esaki?
47. E ziekteverzuim na Douane ta hopi halto y CAft a constata cue saki ta 9% na 2018. CAft a recomenda pa rouleer e personal y tambe pa p.e. un maneho mas eficiente pa rooster in e personal, vooral den tempo piek den December na unda cu tin hopi importacion pa Sinterklaas, Pasco y Carnaval. Ministro por informa Parlamento si e consehonan a wordo implementa caba na Douane pa asina evita overtime innecesario?

48. Ministro por a informa Parlamento con lo financia e deficit premira di 870 miyon e aña aki?

49. Mirando cu obhetivo di Tema A di e *Landspakket* ta controla y pone na ordo maneho financiero pa gobierno ta den control, pakiko Presupuesto 2021 a wordo entrega asina laat considerando cu e mester a keda entrega September aña pasa?
50. Mirando cu ta probabel cu Minister su partido lo sigui den gobierno, con avansa e preparacionnan pa Presupuesto 2022 ta y Minister ta kere cu e aña aki si lo por entrega e Presupuesto na tempo?
51. Minister por a informa Parlamento dicon Banco Central a wordo exonera di e asina yama Wever-Croes norm? Tin plan pa inclui nan den futuro y laga nan pidi exoneracion na Parlamento pa cada caso individualmente?
52. Mirando cu gobierno a hala aden e di dos parti di reforma fiscal cu lo a inclui BBO na frontera y aumento den impuesto ariba cambio di divisa te cu 1.9%, con lo fortalece e kolom financiero segun A.1.1 di *Landspakket*. Minister por a informa Parlamento si e medida nan aki lo bolbe despues?
53. Minister por a informa Parlamento ki planes tin pa atende cu e mas o menos 100,000 bezwaar pendiente na Servicio di Impuesto y elimina cobransanan erroneo?
54. Minister por a informa Parlamento ki progreso a wordo haci ariba compras di bienes y servicio di gobierno di un forma mas eficaz segun Tema A.4 di *Landspakket* y si Ministro por elabora si e ta kere cu centralizacion ta un mihor manera?
55. Tema C.1 di *Landspakket* ta rekeri aumenta entrada di gobierno y haci e sistema mas robusto y simpel door di introduccion di un BTW di 12,5% pa 1 januari 2023, ki plan Ministro tin pa sigura cu esaki no lo resulta un medida mas ariba pueblo?
56. Minister por a informa Parlamento ki plan tin pa stimula economia a base di un rediseñamento di impuesto segun obhetivo di Tema C di *Landspakket*?
57. Mirando cu pa 15 di augustus 2021 mester traha un plan di accion pa optimalisacion y modernisacion di Servicio di Impuesto segun C.4 di *Landspakket*, Ministro por a elabora ariba con leu e plan ta, con lo financia esaki y cua balor agrega e lo tin pa finanzas publico?
58. Un obhetivo di Tema D di *Landspakket* ta realiza un forma adecuado di regulacion di sector financiero, Minister por elabora si e ta kere cu maneho actual di Banco Central ta adecuado?
59. Minister por a informa Parlamento con e plannan pa sigura un forma di regulacion di sector financiero adecuado lo sostiene un parti di un otro obhetivo di e mesun Tema D, esta duna sosten na economia real?
60. Minister por a informa Parlamento ki plan tin pa preveni cu pueblo lo paga mas pa servicio financiero si introduci un Sistema di Garantia di Deposito manera D.4 di *Landspakket* ta rekeri?
61. Tema E.1.1 ta rekeri un analisis di maneho actual di mercado laboral, ley y regulacion, Minister por elabora ariba e pensamiento di su gobierno tocante suavisacion di ley di kitamento di trabao y ki efecto esaki por tin pa productividad, siguridad di trahado, economia y presupuesto di gobierno?
62. Mirando cu e sistema di seguridad social ta den deficit e ultimo añanan y lo ta insolvente pa 2029, con Ministro ta planea cumpli cu E.4 di *Landspakket* pa logra un red social adecuado, aumento edad di pensioen te cu 66 ta suficiente pa yena e buraconan?

63. Minister por a informa Parlamento con gobierno ta preparando pa e subida di interes despues di 2022 ariba e prestamonan otorga cu tarifa preferencial?
64. Minister por a informa Parlamento si gobierno ta bezig ta deposita placa den un asina yama “sinking fund” pa staatsobligaties, manera ley ta prescribi pero ningun gobierno ta bin ta haciendo desde 1993?
65. Minister por a informa Parlamento kiko gobierno tin pensa di haci cu grondbelasting pa e periodo 2022-2027? Lo tin revision di tarifanan, p.e. den Caya Grandi tarifanan lo baha conhunto cu e caida den balor di edificacionan?
66. Minister por a informa Parlamento si tin plan pa haci algo cu DOW pa update e balornan di propiedad, p.e. no por hustifica aumento general mientras Parkietenbos p.e. ta sufri di daño ambiental?
67. Minister por a informa Parlamento den ki fase lo divulga e sistema di BTW y si lo consulta stakeholders? Ministro por a elabora si introduccion di BTW lo inclui eliminacion di BBO, BAZV/BAVP, Tourism levy, Environmental levy, Car rental tax, Gaming tax, invoerrechten, Transfer tax y impuesto ariba cambio di divisa?
68. Ministro por elabora si den futuro lo sigui surgerencia di AVvB y no cambia leyman fiscal durante aña fiscal manera p.e. e IPC regime? Mirando cu gobierno a hala atras e segundo parti di reforma fiscal, kiko lo sosode cu e IPC regime nobo y ki efecto esey lo tin ariba presupuesto?
69. Minister por elabora te ki aña Departamento di Impuesto ta bijgewerkt y si tin plan pa haal in e achterstand?
70. Minister por a duna un splicacion tocante e dresscode severo na Servicio di Impuesto, al final e pagado di belasting ta un cliente y e trato no ta parce di ta asina?

MinTVS

71. Ministro por a informa Parlamento con leu gobierno ta cu e ley pa hisa edad di pensioen na 66 aña prome cu 2025?
72. Tema F.2 di *Landspakket* ta rekeri re-calcula forma di financiamiento y tarifa di cuidio secundario hunto cu seguro di cuidio, Minister por elabora ariba e punto aki y ki efecto esaki lo tin ariba presupuesto?

MinOWDO

Nos sistema di enseñasa ta den necesidad urgente di coregi deficiencianan den innovacion. E *Landspakket* ta inclui un doorlichting pa determina un nulmeting y di esey saca un plan di accion.

73. Minister por a informa Parlamento ki suma a wordo presupuesta pa esaki?

Tin un escasez di docente den nos sistema di enseñasa, esaki Ministro mes a declara. Enseñasa ta contribui na futuro di un pais.

74. Minister por a informa Parlamento con e escasez di docente lo wordo resolvi?

E sistema di enseñasa mester a pasa di uno tradicional pa uno digital di un dia pa otro. E sistema no tabata prepara pa esaki y ela crea un desigualdad den e sistema di enseñasa. E estudiante nan a sufri un achterstand grandi.

75. Minister por a informa Parlamento unda un suma substancial (di p.e. 1 miyon) ta inverti pa elimina e achterstand?

Actualmente un instituto di enseñasa ta ricibi 90 florin pa estudiante pa aña pa innovacion. Esaki no ta suficiente especialmente considerando e necesidad pa actualisa. Minister a indica cu esaki lo subi.

76. Minister por a informa Parlamento con halto e normbedrag nobo lo ta?

Condicionnan laboral debido na Health & Safety ta hopi importante. personal di limpieza ta hunga un rol importante den esaki.

77. Minister por splica Parlamento si e seguridad laboral di e trahadonan di limpieza ta inclui den e presupuesto?

78. Un obhetivo di Tema G di *Landspakket* ta realisa un calidad basico di enseñasa, Minister por elabora si esaki ta sosodiendo cu e muchanan entre 14-21 aña di edad encarcela na KIA? Y ki plan tin pa sigura nan reintegracion den e sistema di enseñasa una bes nan sali?

79. E segundo obhetivo di Tema G ta sigura un bon conexion entre enseñasa y mercado laboral, Minister por elabora ariba ki adaptacionnan ta sosodiendo pa sigura esaki y ki efecto por premira ariba presupuesto?

80. E terecer obhetivo di Tema G ta realisa un bon fluho entre e sistemanan di enseñasa, tin estudio of plan pa introduci un MBO wet y ki efecto esaki lo tin ariba presupuesto?

81. Minister a haci un peticion na Gobernador pa COHO haña tur autoridad pa por ehecuta tur reformanan necesario den enseñasa, a discuti e posibilidad di hunto cu autoridad ariba Ministerio di Enseñasa por negocia pa Hulanda tuma over e gastonan pa duracion di COHO pa e fondonan wordo aplica na reduce debe nacional?

MinTCPS

82. Minister por a informa Parlamento si ainda ta begroot deskundig advies pa un consultant traha como waarnemer di e director mientras e director ta na disposicion di UNESCO pa Minister Lampe?

83. Si esey ta e caso Minister por informa Parlamento e motibo pakiko ta paga un consultant cu un MBO niveau mas cu 9.500 florin pa luna lugar di laga e director di meteo cu tin un PhD traha na e posicion na cual e ta nombra pa landsbesluit?

MinSZA

84. Minister por a informa Parlamento ariba cuanto persona indocumenta nos ta papiando di dora ta toca lista di cliente di Rode Kruis? Y si inclui esnan cu nunca a meld na Rode Kruis cuanto ta calcula en total?

85. Minister por a informa Parlamento di kiko ayudo alimentario ta consisti y con e vendors ta wordo determina?

86. Minister por a informa Parlamento te awor cuanto hende a wordo repatria di nan lista di clientenan y cuanto mas lo tin pensa di manda afor?

87. Minister por a informa Parlamento si nos yega 31 di december y e personanan aki ta sigui na Aruba, kiko e plan ta despues?

88. Minister por a informa Parlamento si tin plan pa regularisa personanan indocumenta?

MinJVI

Brandweer

89. CAft a constata cu na Brandweer e total overtime a subi na 2015 di 36.029 ora pa 52.013 na 2018. Minister por tin e cifranan di overtime di 2019 y 2020 y suministra esaki na Parlamento?
90. Brandweer tabata tin un bezetting di 140 persona na 2015 y na 2018 esaki tabata 135. Ministro por informa Parlamento cuanto e bezetting tabata na 2019 y 2020 y cuanto e ta actualmente na 2021?
91. Ministro por informa cuanto e bezetting di personal mester ta na Brandweer pa asina por bisa cu e departamento aki ta completo?
92. CAft a recomenda pa usa brandweer "BOLUNTARIO" pa reduci overtime na Brandweer, aunke cu directie ta cataloga esaki como "broodrof". Kiko Ministro mes ta pensa di uso di boluntario(nan) manera cu ta wordo haci na otro paisnan pa evita overtime?
93. Ministro por informa Parlamento si a sigui e consehonan di CAft pa NO haci uso di e mesun personal cu constantemente ta traha overtime? Ministro por informa Parlamento si a introduci un roulatiesysteem, of a cuminsa haci uso di boluntario(nan), of a minimilisa e overtime na 60 ora pa luna na 2020 y 2021? Y si esaki no a wordo introduci, kiko ta e motibo cu esaki NO a wordo introduci ainda teniendo cuenta cu e *Landspakket* y e situacion financiero precario cu Aruba ta pasando aden?

KPA

94. Ministro por a informa Parlamento cuanto e personal di KPA mester ta?
95. Mirando cu e cantidad di personal pa poblacion ta mas halto na Aruba cu tanto Hulanda como Merca, Minister por a informa Parlamento si tin cualkier estudio cu ta establece e cantidad optimal di personal?
96. Mirando cu den pasado gastonan di overtime a subi hunto cu aumento den cantidad di personal, Minsiter por a informa Parlamento ki solucionnan e tin pa e problematica?